


2017-imi inuusuttut ilinniarnerat suliffeqarnerallu

2017-ip naanerani Kalaallit Nunaanni inuusuttut 16-it 25-llu akornanni ukiullit 5.506-it imaluunniit 66 procentii ilinniarfinit suliffeqarfinnulluunniit atassuteqarput. Taakkunannga 29 procentii ilinniakkamik ingerlatsippat, 37 procentiilu suliffeqarlutik.

2017-imi inuusuttut ilinniakkamik ingerlatsinningsut suliffeqanngitsulluunniit 34 procentinik annertussuseqarput. 2014-imiilli 4 procentpointinik appariarsimapput. Piffissamilu pineqartumi inuusuttut suliffillit annertussusaat 6 procentpointinik qaffariarsimavoq, ilinniakkamillu ingerlatsisut 3 procentpointinik appariarsimallutik.

Titartagaq 1. Inuusuttut 16-it 25-llu akornanni ukiullit nalunaarsorsimanerat malillugu, 2010-2017



Najoqqutaq: Naatsorsueqqissaartarfik – kisitsisaataasivimmi kisitsisit takukkit (<http://bank.stat.gl/uddumg3>).

Nalunaarut: Tabelimi inuusuttut Kalaallit Nunaata avataani efterskolertut ilinniakkamillu ingerlatsisut ilanngunneqarput


Inuusuttut sullinniakkat

Saqqummersitami matumani Kalaallit Nunaanni inuusuttut suliffeqarnerat ilinniarneralu sammeneqarpoq. Inuusuttut ilinniakkamik ingerlatsinningsut imaluunniit suliffeqanngitsut inuusuttunik sullinniakkamik taaneqarput.

Inuusuttuni sullinniakkani pineqarput inuusuttut suliffeqanngitsut aammalu suliffissarsiortutut nalunaarsorsimanningsut. Periaatsimut immikkoortumi nassuiaat malillugu inuusuttut ilinniakkamik ingerlatsisutut nalunaarsorsimasut, ilinniagaqarnersiuteqartitsivimmili nalunaarsorsimanningsut, inuusuttunut sullinniakkamut ilanngunneqarput. 2017-imi innuttaasut akornanni inuusuttut 8.293-it ataani takutinneqarput. Inuusuttut ilinniakkamik ingerlatsisut saniatigullu suliffillit ilinniakkamik

ingerlatsisutuinnaq nalunaarsorneqarput. Ilinniakkamillu ingerlatsisut efterskolernermet, inuusuttunut ilinniartinnut ingerlariaqqiffiusumillu ilinniarnermut immikkoortiterneqarput.

Titartagaq 2. 2017-imi inuusuttunut 16-it 25-llu akornanni ukiulinnut nalunaarsuutit



Najoqutaq: Naatsorsueqqissaartarfik – kisitsisaataasivimmi kisitsisit takukkit (<http://bank.stat.gl/uddumg3>).


Inuusuttuni sullinniakkani inuusuttuaqqat amerlanerusut

2017-imi ilinniakkamik ingerlatsisut annertussusaat ukioqqortusiartorneq malillugu appariarput. 16-init 18-inut ukiullit 44 procentii ilinniartuusut 25-nik ukiullit 24 procentii ilinniartuupput.

Suliffillit annertussusaat ukioqqortusiartorneq malillugu qaffalaarsimapput. 16-init 18-inut ukiullit akornanni 20 procentit suliffeqarput, 25-nilli ukiullit affangajai suliffeqarput.

Inuusuttunilu sullinniakkani pineqartut annertussusaat ukioqqortusiartorneq malillugu aamma appariarput. 2017-ip naanerani 16-init 18-inut ukiullit akornanni 40 procentit suliffeqaratillu ilinniakkamik ingerlatsinngillat, 25-nillu ukiullit akornanni 27 procentiullutik.

Titartagaq 3. 2017-imi inuusuttut 16-it 25-llu akornanni ukiullit, ukiut nalunaarsugaanerlu malillugit




Najoqqutaq: Naatsorsueqqissaartarfik – kisitsisaataasivimmi kisitsisit takukkit (<http://bank.stat.gl/uddumg3>).

Inuusuttunut ilinniarfimmik ilinniarsimasut annertussusaat

2017-imi inuusuttut 16-init 25-nut ukiullit akornanni 43 procentit ilinniartuupput inuusuttunulluunniit ilinniarfimmik naammassinnissimasuullutik. 2014-imi annertussusaat allanngorsimangilaq. Inuusuttunullu ilinniarfimmik naammassinnissimasut annertussusaat 2010-mi 14 procentimiit 2017-imi 21 procentimut qaffassimavoq.

Titartagaq 4. Inuusuttut 16-it 25-llu akornanni ukiullit inuusuttunut ilinniarfimmik naammassinnissimasut ingerlatsisulluunniit annertussusaat, 2010-2017



Nalunaarut: Ilinniakkamik ingerlatsisuni ilinniartut siornatigut inuusuttunut ilinniarfimmik naammassinnissimangitsut kisimik pineqarput.

Najoqqutaq: Naatsorsueqqissaartarfik – kisitsisaataasivimmi kisitsisit takukkit (<http://bank.stat.gl/uddumg3>).

Inuusuttut sullinniakkat 12-inik ukioqarnermi najugarisaat

Nuna tamakkerlugu agguaqatigiissitsinermut 34 procentiusumut inuusuttut sullinniakkat 40 procentinit annertunerusut Kangaatsiami, Upernavimmi, Qaanaami, Tasiilami Ittoqqortoormiinilu najugaqarput. Ittoqqortoormiinili inuusuttut sullinniakkat 2016-imi 53 procentiniit 2017-imi 44 procentinut appariarsimapput, Tasiilamili inuusuttut sullinniakkat 2016-imi 47 procentiniit 2017-imi 56 procentinut annertusisimallutik.

Qeqertarsuarmi, Paamiuni Uummannamilu inuusuttut sullinniakkat aamma malunnartumik 2016-imiit 2017-imut 8-10 procentpointinik appariarsimapput. Tabeli ataani takutinneqartoq takuuk.

Tabel 1. Inuusuttut sullinniakkat agguaqatigiissinneri, 12-inik ukioqarnermi najugarisaat malillugit; 2012-2017

	2012	2013	2014	2015	2016	2017
Nanortalik	43	42	40	41	40	36
Qaqortoq	38	33	35	36	34	32
Narsaq	36	32	36	35	33	33
Paamiut	40	39	51	40	42	34
Nuuk	28	30	34	30	27	26
Maniitsoq	33	32	34	33	27	30
Sisimiut	33	30	30	31	30	31
Kangaatsiaq	51	41	51	44	38	41
Aasiaat	32	3	32	28	31	26
Qasigiannugit	34	25	34	33	30	29
Ilulissat	36	35	37	35	32	32
Qeqertarsuaq	30	33	37	31	34	24
Uummannaq	34	35	35	35	40	32
Upernavik	49	56	49	48	50	49
Qaanaaq	53	57	49	44	52	49
Tasiilaq	49	51	56	53	47	56
Ittoqqortoormiit	46	55	59	52	53	44
Kalaallit Nunaata avataani	31	31	31	28	32	28
Agguaqatigiissillugu	36	36	38	36	34	34

Nalunaarut: Kisisitit ersarinnerusunik nalunaaqutsersimasut tassaapput nuna tamakkerlugu agguaqatigiissitsinermiit qaffasinnerusut.

Najoqqutaq: Naatsorsueqqissaartarfik – kisisisaataasivimmi kisisitit takukkit (<http://bank.stat.gl/uddumg4>)

Eqikkaaneq

Tabel 2. Inuusuttut 16-it 25-llu akornanni ukiullit nalunaarsugaanerit malillugit, 2012-2017

	2012	2013	2014	2015	2016	2017
Efterskolertut	327	349	356	316	355	352
Ilinniarnertuunngorniat	1.284	1.252	1.209	1.174	1.096	1.054
Inuusutissarsiornermik ilinniartut	820	737	678	601	589	587
Ingerlariaqqiffiusumik ilinniartut	487	520	516	512	479	420
Suliffillit	2.963	3.016	2.783	2.964	3.019	3.093
Inuusuttut sullinniakkat	3.336	3.301	3.389	3.116	2.898	2.787
Katillugit	9.217	9.175	8.931	8.683	8.436	8.293

Najoqutaq: Naatsorsueqqissaartarfik – kisitsisaataasivimmi kisitsisit takukkit (<http://bank.stat.gl/UDDUMG3>).

Tabel 3. Inuusuttut 16-it 25-llu akornanni ukiullit ukiui nalunaarsugaanerilu malillugit, 2017

Ukiut	16	17	18	19	20	21	22	23	24	25
Efterskolertut	297	48	7
Ilinniarnertuunngorniat	86	203	198	201	123	65	45	47	43	43
Inuusutissarsiornermik ilinniartut	9	24	43	45	76	58	81	79	87	85
Ingerlariaqqiffiusumik ilinniartut	.	.	.	5	32	50	68	85	91	89
Suliffillit	104	163	191	244	325	350	389	422	462	443
Inuusuttut sullinniakkat	286	306	331	296	313	279	262	246	230	238
Katillugit	782	744	770	791	869	802	845	879	913	898

Najoqutaq: Naatsorsueqqissaartarfik – kisitsisaataasivimmi kisitsisit takukkit (<http://bank.stat.gl/UDDUMG3>).

Periaaseq

Saqqummersitami matumani inuusuttut suliffeqarnerat ilinniarneralu sammineqarpoq.

Nalunaarsuutit tunngaviusut

Kisitsisitigit paasissutissani suliarineqartuni matumani nalunaarsuiffiit atorineqartut tassaapput:

- Naatsorsueqqissaartarfiup innuttaasunut nalunaarsuiffia (1. januaari aallarnerfigalugu).
- Ilinniartitaanermut Naalackersuisoqarfiup aammalu Oqaatsinik Pikkorissarfiup Kalaallit Nunaanni Qallunaat Nunaannilu efterskolini atuartunik nalunaarsuiffii.
- Ilinniagaqarnersiuteqartitsiviup (USF-ip) nalunaarsuiffia.
- Naatsorsueqqissaartarfiup suliffilinnut nalunaarsuiffia (novembarimi naatsorsukkat).
- Naatsorsueqqissaartarfiup ilinniakkanut naammassineqarsimasunut qaffasinnerpaanut nalunaarsuiffia.

Periaaseq

Qulaani paasissutissanik ataatsimoortitsinermi innuttaasunut ataasiakkaanut kisitsisitigut paasissutissanut nalunaarsuiffimmik pilersitsisoqarpoq ukiup naalernerani paasissutissanik ataani pineqartunik imaqartumik:

- Ukiut aamma suaassuseq.
- Najugaq aammalu pineqartup ukiumi 12-inik ukioqalerfiani ukiup naanerani najugarisaa.
- Ilinniakkamik ingerlatsineq imaluunniit suliffeqarneq.
- Ilinniagaq naammassineqarsimasoq qaffasinnerpaaq.

Misissukkat amerlassusaat

Ukiumi kisitsiviusumi naatsorsuutini pineqartup ukiup naalernerani 16-it 25-illu akornanni ukiullit aammalu tunngavilersuutininik ataani taaneqartunik naammassinnissimasut:

1. Ukiup aallartinnerani naanerani Kalaallit Nunaanni inunnik nalunaarsuiffimmi (najugaqavissutut) allassimaneq.
2. Ukiup naalernerani Kalaallit Nunaanni inunnut nalunaarsuiffimmi allassimaneq aammalu ukiup kisitsiviusup ingerlanerani Kalaallit Nunaata avataani efterskolimik ilinniakkamilluunniit ingerlatsisimalluni naammassinnissimaneq imaluunniit unitsitsisimaneq.
3. Ukiup naalernerani Kalaallit Nunaanni inunnut nalunaarsuiffimmi allassimanninneq kisiannili ukiumi kisitsiviusumi qaammat decembarimi Kalaallit Nunaanni imaluunniit Kalaallit Nunaata avataani efterskolimik ilinniakkamilluunniit meeqqat atuarfiannit qaffasinnerusumik ingerlataqartutut nalunaarsorsimaneq.

Najugaq

Najukkanut paasissutissani inunnik nalunaarsuisarfimmi najugaq aallaavigineqarpoq. Ilinniarkinna Kalaallit Nunaanniittuni nalunaarsorsimasut inunnullu nalunaarsuisarfimmi nalunaarsorsimannigitsut ukiup kisitsiviusup tulliani najugaat atornerqarput. Aammattaaq ukiumi qaangiuttumi qaninnermi najugaq nalunaarsorneqarsimasoq atornerqarpoq. Ilinniakkanik ingerlatsisut ataasiakkaat Naatsorsueqqissaartarfiup inunnut nalunaarsuisarfiani allassimannigillat, taakkununga ilinniarkiup adressia atornerqarpoq.

Nunani allani ilinniarkinna nalunaarsorsimasut nunami allami najugaqartutut taaneqarput, kalaallit inunnut nalunaarsuisarfianni nalunaarsorsimanerat apequtaatinnagu.

Ukiuni pineqartuni najugarisap atuutsinneqartup saniatigut aammalu ukiumi 12-inik ukioqalerfiup naanerani najugarisimasoq nalunaarsorneqarpoq. 12-inik ukioqarlutik inuit nalunaarsuiffianni nalunaarsorneqarsimannigitsut Kalaallit Nunaata avataani najugaqartutut nalunaarsorneqarput.

Ivittuuni najugallit Nuummi najugalittut nalunaarsorneqarput.

Ilinniarnermut suliffeqarnermulluunniit killiffiit

Inuusuttut ukiumi kisitsiviusumi qaammat decembarimi ilinniakkamik ingerlatsisutut suliffeqartutulluunniit (novembarimi) imaluunniit ilinniakkamik ingerlatsinngitsutut suliffeqanngitsutullu nalunaarsorneqarput. Nalunaarsuinerillu pingaarnersiorneqarput, ilinniakkamik ingerlatsisoq suliffeqartorlu taamaallaat ilinniakkamik ingerlatsisutut naatsorsorneqarpoq.

Efterskolinik ilinniakkanillu ingerlatsisut tassaapput Naatsorseqqissaartarfiup ilinniartitaanermut nalunaarsuiffiani nalunaarsorsimasut. Efterskolernerit eqqaassanngikkaanni ingerlatsinerit inuusuttunut qaffassarluni ilinniarfinningaanniit qummullu qaffasissusillit taamaallaat nalunaarsorneqarput (ISCED-ni qaffasissuseq 3 qummullu).

Inuusuttut ilinniakkanik ingerlatsinatillu suliffeqanngitsut inuusuttunik sullinniakkanik taaneqarput. Inuusuttut sullinniakkat tassaapput inuusuttut suliffeqanngitsut aammalu inuusuttut suliffissarsiuunngitsut. Inuusuttunut sullinniakkanut ilaasinnaapput 16-inik ukioqalereersimallutik meeqqat atuarfiannik naammassinnissimasut aammalu piginnaanngorsarluni ilinniarnernik ingerlatsisut, assersuutigalugu Majoriami (ISCED-ni qaffasissuseq 2). Taamatutaaq inuusuttuni sullinniakkani ilaasinnaapput ilinniakkanik ingerlatsisut kisiannili Ilinniagaqarnerisuteqartitsivimmi nalunaarsorneqarsimanngitsut.

Ilinniagaq naammassisimasaq qaffasinnerpaaq

Inuusuttunut misissukkani ilaasunut tamanut ukiup kisitsiviusup pineqartup naanerani ilinniagaq naammassisimasaq qaffasinnerpaaq nalunaarsorneqarpoq. Piginnaanngorsarluni ilinniarfiit saniatigut ilinniarnertuunngorniarfiit ilinniakkanut naammassineqarsimasunut ilaatinneqarput.

Pineqartut ilinniakkanut naammassisimasanut qaffasinnerpaanut atassuserneqarput, aammalu ilinniarnertuunngorniarfinnut, inuussutissarsiornermik ilinniarfinnut, ingerlariaqqiffiusumik ilinniarfinnut ilinniagaqarsimanngitsunulluunniit agguataarneqarlutik. Ilinniartitaanermut Naalakkersuisoqarfimmik isumaqatigiissuteqarneq malillugu angusanik qaffassaalluni pikkorissarnerit ilinniakkatut qaffasinnerpaatut naammassineqarsimasut ilinniarnertuunngorniarfiit ataannut inissinneqarput. Angusanik qaffassaalluni pikkorissarnerit ISCED2011-mi qaffasissuseq 4-rimi inissisimapput, tigusaanissamullu piumasaqaataavoq ilinniarnertuunngorniarfimmik naammassinnissimanissaq.

Naatsorsueqqissaartarfiup ilinniakkanut qaffasinnerpaanut nalunaarsuisarfia Kalaallit Nunaanni najugaqartunik taamaallaat imaqarpoq. Taamaattumik misissukkat qaffasinnerpaamik ilinniagarisimasaannut, Naatsorsueqqissaartarfiup inunnik nalunaarsuisarfiani piffissami pineqartumi qaninnermi, nalunaarsugaasimanerit atorineqarput. Kalaallit Nunaatalu avataani piffissami sivisuumi ilinniakkamik ingerlataqarsimasut kisitsisitigut paasissutissani matumani saqqummiunneqartunit ilinniagaat qaffasinnerusinnaapput.

Nalunaarsuutinit siullernit allannguutit

Nalunaarsuutinit siullernit periaatsip allannguuteqalaarnikuunera uuttuutit nalunaarsuutaanut tamanut sunniuteqarpoq.

Ilinniagaqarnersiuteqartitsiviup nalunaarsuisarfia nalunaarsuisarfiuvoq ataavartumik, aammattaaq ukiumi siuliini naqiteriikkanik, naqqiinernik ingerlatsiviusoq. Kisitsisitigut paasissutissani matumani nalunaarsuutit najoqqutarineqartut allanngorput, Naatsorsueqqissaartarfiup saqqummersitaanut kingullernut ilinniakkanut qaffasinnerpaanut naammassineqarsimasunut ingerlanneqartunullu najoqqutarineqartut paasissutissat assigiit atuutsinneqalerlutik.

Signatur forklaring:

- ... Oplysninger foreligger ikke
- .. Oplysninger for usikre til at angives eller diskretionshensyn
- . Tal kan efter sagens natur ikke forekomme
- 0 Mindre end halvdelen af den anvendte enhed
- Nul
- * Foreløbigt eller anslået tal

Saaffiginniffissaq

Anders Blaabjerg

E-mail: abla@stat.gl

Ilinniartitaaneq

Grønlands Statistik
Postboks 1025 · 3900 Nuuk
Tlf.: +299 34 57 70 · Fax: +299 34 57 90
www.stat.gl · e-mail: stat@stat.gl

